

Cynulliad Cenedlaethol Cymru

Y Pwyllgor Materion Cyfansoddiadol a Deddfwriaethol

Offerynnau Statudol sydd ag Adroddiadau Clir

08 Chwefror 2016

CLA648 - Rheoliadau Dileu Atebolrwydd dros Fenthyciadau i Fyfyrrwyr at Gostau Byw (Cymru) 2016

Gweithdrefn: Negyddol

Mae'r Rheoliadau hyn yn llywodraethu atebolrwydd dros fenthyciad myfyrrwyr sydd gan fyfyrrwyr sy'n cael benthyciadau at gostau byw gan Weinidogion Cymru ar gyfer y flwyddyn academaidd 2016/2017.

At hynny, mae'r Rheoliadau hyn yn darparu ar gyfer dileu hyd at £1,500 o atebolrwydd pob benthyciwr am fenthyciad at gostau byw mewn amgylchiadau penodol, gydag effaith o'r diwrnod ar ôl y dyddiad y bernir bod ei ad-daliad cyntaf ar ei fenthyciad wedi ei dderbyn.

CLA652 - Rheoliadau Addysg (Cymorth i Fyfyrrwyr) (Cymru) (Diwygio) 2016

Gweithdrefn: Negyddol

Mae'r Rheoliadau hyn yn diwygio Rheoliadau Addysg (Cymorth i Fyfyrrwyr) (Cymru) 2015 ('Rheoliadau 2015') sy'n darparu cymorth ariannol i fyfyrrwyr sy'n preswyllo fel arfer yng Nghymru ac sy'n dilyn cyrsiau addysg uwch dynodedig mewn cysylltiad â blynyddoedd academaidd sy'n dechrau ar neu ar ôl 1 Medi 2015.

Ymhellach, mae'r Rheoliadau hyn yn gwneud diwygiadau i Rheoliadau 2015, a fydd yn gymwys i ddarparu cymorth i fyfyrrwyr mewn perthynas â blwyddyn academaidd sy'n dechrau ar neu ar ôl 1 Medi 2016. Mae'r Rheoliadau hyn hefyd yn cywiro gwallau teipograffyddol yn Rheoliadau 2015.

CLA653 – Rheoliadau Gwarchod Plant a Gofal Dydd (Cymru) (Diwygio) 2016

Gweithdrefn: Negyddol

Mae Rheoliadau Gwarchod Plant a Gofal Dydd (Cymru) (Diwygio) 2016 yn diwygio Rheoliadau Gwarchod Plant a Gofal Dydd (Cymru) 2010 i:

- adlewyrchu'r newidiadau canlyniadol sy'n codi o'r Gorchymyn Rheoleiddio Gwarchod Plant a Gofal Dydd (Cymru) 2016 sy'n ymestyn y terfyn oedran uchaf ar gyfer cofrestru darpariaeth gofal plant o wyth i 12 mlwydd oed;
- dileu'r gofyniad i geisydd gyflwyno cais i Weinidogion Cymru am dystysgrif cofnod troseddol fanylach ac i Weinidogion Cymru gydlofnodi'r cais hwnnw;



- dileu'r gofyniad i dystysgrif gofrestru gynnwys enw'r person â chyfrifoldeb pan fo un wedi ei benodi;
- dileu gofynion penodol sy'n ymwneud â darpariaeth chwarae mynediad agored.

CLA654 - Rheoliadau Deddf Gofal Plant 2006 (Aseidiadau Awdurdodau Lleol) (Cymru) 2016

Gweithdrefn: Negyddol

Mae'r Rheoliadau hyn yn dirymu ac yn disodli, gyda newidiadau, Rheoliadau Deddf Gofal Plant 2006 (Aseidiadau Awdurdodau Lleol) (Cymru) 2013 (Y Rheoliadau). Mae'r Rheoliadau yn gosod dyletswydd ar Awdurdodau Lleol i gynnal aseidiadau o ddigonolrwydd gofal plant yn ardal eu hawdurdod lleol a hefyd yn rhagnodi'r materion sydd i'w cynnwys yn yr asesiad, gan gynnwys gofynion ymgynghori a chyhoeddi, cynllun gweithredu a gofynion adrodd blynyddol.

CLA655 – Rheoliadau'r Gwasanaeth Iechyd Gwladol (Gwasanaethau Meddygol Sylfaenol a Gwasanaethau Deintyddol Sylfaenol) (Cymru) (Diwygio a Darpariaeth Drosiannol) 2016

Gweithdrefn: Negyddol

Mae'r Rheoliadau hyn yn diwygio'r canlynol gydag effaith o 1 Mawrth 2016:-

- Rheoliadau'r Gwasanaeth Iechyd Gwladol (Contractau Gwasanaethau Meddygol Cyffredinol) (Cymru) 2004;
- Rheoliadau'r Gwasanaeth Iechyd Gwladol (Contractau Gwasanaethau Meddygol Cyffredinol) (Rhagnodi Cyffuriau etc) (Cymru) 2006;
- Rheoliadau'r Gwasanaeth Iechyd Gwladol (Contractau Gwasanaethau Deintyddol Cyffredinol) (Cymru) 2004;
- Rheoliadau'r Gwasanaeth Iechyd Gwladol (Cytundebau Gwasanaethau Deintyddol Personol) (Cymru) 2006

Bydd y diwygiadau yn :-

- caniatáu i gontractwr gwasanaethau meddygol cyffredinol dderbyn aelod o luoedd arfog Ei Mawrhydi yn glaf am uchafswm o ddwy flynedd;
- codi'r cyfyngiad presennol ar ragnodi oseltamivir i fabanod o dan flwydd oed;
- ychwanegu avanafil at y rhestr o driniaethau cyfyngedig a thynnu apomorphin, thymoxamine a moxisylute oddi ar y rhestr;
- gwahardd ymarferwyr Deintyddol Cyffredinol sy'n contractio gyda bwrdd iechyd lleol yng Nghymru rhag defnyddio rhifau ffôn annaeryddol wrth ddarparu gwasanaethau deintyddol cyffredinol;
- ymestyn yr amserlen sydd ar gael i ystad deiliad contract ymadawedig i gadarnhau eu bod yn dymuno parhau i ddal y contract;



- darparu i Weinidogion Cymru glywed anghydfodau sy'n deillio o gontractau a ystyrir yn gontractau meddygol cyffredinol, contractau deintyddol cyffredinol neu gontractau gwasanaethau personol y gwasanaeth iechyd gwladol er bod y contractwr yn ddiweddarach yn newid statws y contract o gontract y gwasanaeth iechyd gwladol i gontract y tu allan i'r gwasanaeth iechyd gwladol.

CLA658 Rheoliadau Cynllunio Gwlad a Thref (Gwasanaethau Cyn-ymgeisio) (Cymru) 2016

Gweithdrefn: Negyddol

Mae'r Rheoliadau hyn yn gwneud darpariaeth o dan adrannau 61Z1 a 61Z2 Deddf Cynllunio Gwlad a Thref 1990 ar gyfer darparu gwasanaethau gan awdurdodau cynllunio lleol cyn bo cais cymwys wedi ei wneud.

CLA661 - Rheoliadau Cynllunio (Adeiladau Rhestredig ac Ardaloedd Cadwraeth) (Cymru) (Diwygio) 2016

Gweithdrefn: Negyddol

Mae'r Rheoliadau hyn yn cywiro gwall yn nhestun Cymraeg Rheoliadau Cynllunio (Adeiladau Rhestredig ac Ardaloedd Cadwraeth) (Cymru) 2012 (O.S. 2012/793 (Cy 108)).

CLA662 - Gorchymyn Datblygiadau o Arwyddocâd Cenedlaethol (Cymhwysio a Deddfiadau) (Cymru) 2016

Gweithdrefn: Negyddol

Mae'r Gorchymyn hwn yn cymhwysio amryw o ddeddfiadau i geisiadau a wneir i Weinidogion Cymru am ganiatâd cynllunio ar gyfer datblygiad sydd o arwyddocâd cenedlaethol. Mae'r Gorchymyn hefyd yn addasu'r deddfiadau hynny, pan fo'n briodol gwneud hynny.

CLA663 – Rheoliadau Datblygiadau o Arwyddocâd Cenedlaethol (Cymru) 2016

Gweithdrefn: Negyddol

Mae'r Rheoliadau hyn yn ymwneud â gwahanol faterion sy'n ymwneud â datblygiad sydd o arwyddocâd cenedlaethol i Gymru.

Mae'r Rheoliadau hyn yn:

- gwneud darpariaeth o dan adrannau 61Z1 a 61Z2 o Ddeddf Cynllunio Gwlad a Thref 1990 (“Deddf 1990”) ar gyfer darparu gwasanaethau gan awdurdodau cynllunio lleol a Gweinidogion Cymru



cyn bo cais am ganiatâd cynllunio wedi ei wneud ar gyfer datblygiad o arwyddocâd cenedlaethol (Rhan 2);

- rhagnodi swyddogaethau sydd i'w cyflawni gan berson penodedig ar ran Gweinidogion Cymru, mewn perthynas â cheisiadau o'r fath a chydsyniadau eilaidd (Rhan 3);
- gwneud darpariaeth ar gyfer y weithdrefn sydd i'w dilyn wrth archwilio ceisiadau o'r fath (Rhannau 4 i 10);
- gwneud darpariaeth ar gyfer y modd y trinnir cydsyniadau eilaidd neu geisiadau am gydsyniadau eilaidd gan Weinidogion Cymru (Rhan 11);
- addasu deddfiadau cymwysadwy mewn perthynas â chydsyniadau eilaidd (Rhan 11 ac Atodlenni 2 i 10); a
- rhagnodi pa geisiadau a wneir o dan adran 73 o Ddeddf 1990 (penderfynu ceisiadau i ddatblygu tir heb gydymffurfio ag amodau a osodwyd yn flaenorol) sydd i'w trin fel ceisiadau ar gyfer datblygiad o arwyddocâd cenedlaethol (Rhan 12).

CLA664 - Gorchymyn Cynllunio Gwlad a Thref (Gweithdrefn Rheoli Datblygu) (Cymru) (Diwygio) 2016

Gweithdrefn: Negyddol

Bydd y Gorchymyn yn diwygio Gorchymyn Cynllunio Gwlad a Thref (Gweithdrefn Rheoli Datblygu) (Cymru) 2012 ("Gorchymyn 2012") Bydd y Gorchymyn yn newid y modd caiff ceisiadau sy'n ymwneud â chynllunio eu cyflwyno i awdurdodau cynllunio lleol, sut y cânt eu trin, sut y cânt eu hysbysebu a sut y mae'n rhaid i ddatblygwyr roi gwybod i'r awdurdodau cyn dechrau gweithio ar y safle.

Mae'r Gorchymyn yn gwneud darpariaeth ar gyfer y materion canlynol i weithredu Deddf Cynllunio (Cymru) 2015:

- Gofyniad i gynnal ymgynghoriad cyn ymgeisio (Adran 17 Deddf Cynllunio (Cymru));
- Ceisiadau annilys: hysbysu ac apelio (Adran 29 Deddf Cynllunio (Cymru));
- Hysbysiadau Penderfynu (Adran 33 Deddf Cynllunio (Cymru));
- Hysbysiad am Ddatblygiad (Adran 34 Deddf Cynllunio (Cymru));
- Ymgynghori mewn cysylltiad â cheisiadau penodol sy'n ymwneud â chaniatâd cynllunio (Adran 37 Deddf Cynllunio (Cymru));

CLA649 - Rheoliadau Deddf Cymwysterau Cymru 2015 (Diwygiadau Canlyniadol) 2016

Gweithdrefn: Cadarnhaol

Mae'r Rheoliadau hyn yn cael eu gwneud o ganlyniad i Ddeddf Cymwysterau Cymru 2015 ("y Ddeddf") Cymwysterau, a sefydlodd Cymwysterau Cymru yn rheolydd annibynnol cymwysterau yng Nghymru. Mae'r Rheoliadau hyn yn diweddar cyfeiriadau mewn deddfwriaeth arall er mwyn adlewyrchu'r system newydd o reoleiddio cymwysterau yng Nghymru o ganlyniad i'r Ddeddf.



Gweithdrefn: Cadarnhaol

Mae'r rheoliadau hyn yn diwygio Rheoliadau Plant (Llety Diogel) (Cymru) 2015. Diben y diwygiadau hyn yw:

- sicrhau bod y gofynion a osodir ar awdurdodau lleol Cymru mewn perthynas â lleoliadau mewn llety diogel yn gymwys pa un a ydynt yn lleoli plant yng Nghymru neu yn Lloegr;
- dileu'r gwaharddiad ar awdurdodau lleol sy'n gwneud cais i'r llys am awdurdod i leoli plant 16 a 17 oed mewn llety diogel pan fo'r plant hynny wedi eu lletya o dan adran 76 o Ddeddf Gwasanaethau Cymdeithasol a Llesiant (Cymru) 2014;
- Sicrhau bod y rhwymedigaeth ar swyddog dalfa i symud pobl ifanc sydd wedi eu harestio i lety awdurdod lleol wedi ei hestyn i blant o dan 18 oed; a
- Chadw'r gofyniad ei bod yn ofynnol i awdurdod lleol gael awdurdod gan y llys mewn achos lle caiff plentyn ei roi ar remánd mewn llety diogel am gyfnod sy'n hwy na 28 o ddiwrnodau.

